

Jublasurium-Song

Intro

Es isch so wiet, es summt im ganze Wald
Vo gross bis chli, sind alli Insekte derbi
Ob Glühwürmli oder Raupe, oder Bienli wie au Käfer
Sie sind alli cho, s Jublasurium isch endlich do

Strophe 1 (Mitbestimme)

Egal, ob klei oder gross, jedi Stimm wird aglost,
alli chöne öppis sage, dörfe ihre Teil bitrage
Mitbestimme esch s A und s O, sind immer fürenander do
Wenn mer uf alli lose tuet, kunnts mit de Element wieder guet

Strophe 2 (Kreativ si)

Egal, ob tanze, singe, lache, im Jublasurium lömmers krache
Mir werde uf e Lösig cho, mit tüfftle, bastle sowieso
Kreativ si dörf nid fehle, s ligt uns allne in de Seele
De Fantasie sind keini Grenze gsetzt,
Kreativität isch unser Gsetz

Refrain (Zämme si, Lebensfreud)

**In de Jubla wämmer zämme si
und Lebensfreud isch e Garantie
Mit Insekte tüend mer uns verbünde
und findet viele neui Fründe**

Strophe 3 (Glaube läbe)

Egal, ob mir diskutiere, mir dien uns immer respektiere
Tüend d Insektewält erkunde, fühle uns debi verbunde
Zämme tüend mir fest dra glaube,
Wünsch dien mir uns au erlaube
D Element is Glichgwicht bringe,
und d Useforderig bezwinge

Strophe 4 (Natur erlebe)

Bi de Insekte gfallts uns guet, zum si rette hend mir de Muet
Erde, Wasser, Luft und FÜR, ja mir woged s AbentÜR
Ameise, Schmetterling und Co, jetzt mönd alli zemme koh
D Insektewält werde mir rette, uf das könne alli wette

2×Refrain (Zämme si, Lebensfreud)

Bridge

Es summt und brummt Oh Oh Oh
Wär isch für alli do? Jubla, Jubla
Es summt und brummt Oh Oh Oh
Wär tuet zämme stoh? Jubla, Jubla
Es summt und brummt Oh Oh Oh
Wär isch an d Konferänz koh? Jubla, Jubla
Es summt und brummt Oh Oh Oh
S Jublasurium isch ändlich do
S Jublasurium isch ändlich do

Refrain (Zämme si, Lebensfreud)

1, 2, 3

Refrain (Zämme si, Lebensfreud)

In de Jubla wämmer zämme si
und Lebensfreud isch e Garantie
Mit Insekte tüend mer uns verbünde,
und findet viele neui Fründe
In de Jubla wämmer zämme si
und Lebensfreud isch e Garantie
In de Jubla findsch die beste Fründe
und fürs Läbe tüend mer uns verbünde

